



USTAVNI SUD BOSNE I HERCEGOVINE
УСТАВНИ СУД БОСНЕ И ХЕРЦЕГОВИНЕ

ELEKTRONSKA KOMUNIKACIJA

između Ustavnog suda BiH i apelanata u postupku pred
Ustavnim sudom BiH

Od 1. januara 2020. godine svi apelanati imaju mogućnost da, u predmetu po podnesenoj apelaciji, s Ustavnim sudom komuniciraju elektronskim putem.

Elektronska komunikacija sa Ustavnim sudom omogućava da putem elektronske pošte:

- primete sva pismena Ustavnog suda, uključujući i odluku Ustavnog suda u vašem predmetu,
- dostavljate Ustavnom sudu sve podneske, osim onih koji su izričito izuzeti iz elektronske komunikacije.



Imajte u vidu da se putem elektronske pošte ne može:

- podnijeti apelacija,
- podnijeti zahtjev za uspostavljanje elektronske komunikacije,
- dostaviti posebna punomoć za zastupanje pred Ustavnim sudom,
- odustati od apelacije i
- podnijeti zahtjev za preispitivanje odluke Ustavnog suda.

Prednosti elektronske komunikacije

- Elektronska komunikacija je brža.
- Elektronska komunikacija je besplatna.
- Elektronska komunikacija je omogućena 24 sata dnevno, sedam dana u sedmici.

Pravilnik o elektronskoj komunikaciji Ustavnog suda Bosne i Hercegovine i prateće Uputstvo, koje sadrži više informacija o elektronskoj komunikaciji, možete pronaći na internetskoj stranici Ustavnog suda www.ustavisud.ba.

Ustavni sud Bosne i Hercegovine
Reisa Džemaludina Čauševića 6/III
71 000 Sarajevo, BiH
E-mail: info@ustavisud.ba

Kako početi?

- Za ovaj vid komunikacije apelanti se mogu opredijeliti bilo prilikom podnošenja apelacije ili u nekoj kasnijoj fazi postupka.

Ako ste već podnijeli apelaciju Ustavnom sudu:

- posebnim podneskom obavijestite Ustavni sud da želite koristiti ovaj vid komunikacije,
- u podnesku obavezno navedite broj pod kojim se vaša apelacija vodi u Ustavnom sudu i svoju elektronsku adresu (e-mail adresu sa koje ćete ubuduće slati pismena i na koju želite da Ustavni sud vama dostavlja pismena),
- potpisani podnesak dostavite Ustavnom sudu poštom ili lično.

Ako još uvijek niste podnijeli apelaciju Ustavnom sudu:

- dovoljno je da na samom obrascu apelacije navedete svoju elektronsku adresu (e-mail adresu sa koje ćete ubuduće slati pismena i na koju želite da Ustavni sud vama dostavlja pismena),
- potpisanu apelaciju podnesite Ustavnom sudu poštom ili lično.

PODNOŠILAC APELACIJE

a) Ime i prezime/naziv
pravnog lica

c) Telefon/faks

b) Adresa apelanta - *Kontakt
adresa za prepisku sa
Ustavnim sudom*

d) E-mail

Ovdje navedite svoju adresu elektronske pošte ukoliko želite elektronski komunicirati.

Kako komunicirati elektronskim putem?

Nakon što ste se na prethodno opisani način izjasnili za elektronsku komunikaciju s Ustavnim sudom, da biste valjano komunicirali putem elektronske pošte potrebno je da uradite sljedeće:

- svojeručno potpišete dokument koji želite dostaviti Ustavnom sudu,
- potpisan dokument skenirate (ili na drugi način prenesete iz papirnog u elektronski oblik, ali tako da se sačuva čitljivost dokumenta),
- takav elektronski dokument pošaljete Ustavnom sudu sa elektronske adrese koju ste naveli u obrascu apelacije, odnosno u posebnom podnesku,
- dokument dostavite na elektronsku adresu Ustavnog suda e-pisarnica@ustavisud.ba.

Kako Ustavni sud dostavlja svoja pismena?

- Ustavni sud elektronske dokumente dostavlja na adresu elektronske pošte koju je apelant odredio u tu svrhu.
- Ustavni sud dostavlja elektronske dokumente radnim danom, u pravilu u okviru redovnog radnog vremena Ustavnog suda.
- Elektronski dokumenti Ustavnog suda se dostavljaju elektronski potpisani. Elektronski potpis daje informaciju o potpisniku, datumu i vremenu kada je dokument potpisan, te štiti integritet elektronski potpisanog dokumenta (bilo kakvim mijenjanjem dokumenta elektronski potpis se gubi).

